

卷四

正氣旗滿洲忠烈傳

卷四



八旗通志初集卷之二百二十三

忠烈傳四

正紅旗滿洲官員

岳樂順

子赫色
孫伯精

輝山

布達理

吳納哈賴

伊明阿

蘇覺羅蘭泰

鄂赫

訥勒

覺羅吳

額貝

貴穆臣

子阿海

石賴

達魯哈

留哈

鄂哈爾馬

鄂邁

達

巴揚阿

莫羅洪



尚吉圖 弟沙欣

布爾哈 席禮虎

噶來 子薩來

薩音達理 子席錦泰

海色 鄂善沙賽

莫洛洪 子鈕鈕

海都 肯特

覺羅代袞

勒畢

綏哈

阿思虎 燕太西里布

吳禮

伊藍泰 子席爾門

碩僧額 阿立馬薩弼哈

江都 德爾根

胡圖 聶爾庫

安柱虎 覺渾柱隨遜

布善

索鼎 阿巴都拖爾弼

卦錫哈

卓克什庫 索爾和諾

雅蘭泰 法寶

沙賴 和爾敦倭什布

孫保住 福山金泰

寶善 全保富吉泰

色貝

富長 見名臣安達立 達色 見名臣碩詹傳

阿納海 見名臣代松 吳爾昆 見名臣科魁傳

阿思海 見名臣穆成 傑篤 見名臣傑殷傳

色勒布 見勳臣薩鈕 莫羅渾

武達闡 見勳臣傳 韓儲翰 見勳臣哈寧阿

巴喀

見勲臣滿岱傳

阿哈碩色

見勲臣尼牙哈納傳

覺羅色爾圖

見勲臣高麗傳

塞靖寇

見勲臣色冷傳

岳樂順滿洲正紅旗人。天聰七年以甲喇章京從德格類貝勒征明。攻旅順口。城率本甲喇兵奮勇先登。力戰陣亡。恤贈牛錄章京。世職。以第雅慕善襲。順治七年九年三遇。

恩詔加至二等。阿達哈哈番。尋卒。子赫色襲。十二年赫色從寧海大將軍宜爾德征浙江舟山。在事有功。議叙加一拖沙喇哈番。合原襲世職為一等阿達哈哈番。康熙四十六年銷去。

恩詔所得世職。餘拜他喇布勒哈番。又一拖沙喇哈番。

與其子禪奇襲。禪奇卒。子伯精襲。雍正七年。從征準噶爾。於和通胡爾哈諾爾地方。力戰陣亡。卹贈一拖沙喇哈番。合原襲世職。為三等阿達哈哈番。子白奇圖襲。

輝山。滿洲正紅旗人。崇德二年。以壯大。從喀凱等往征瓦爾喀。三年。任兵部理事官。六年。隨大兵。征明圍松山。敵兵夜侵鑲黃旗汛地。率本甲喇兵往援。敗之。敵兵復侵本旗汛地。仍擊敗之。順治元年十一月。隨豫親王多鐸南征。至潼關。

擊流寇。三戰三敗之。師旋殿後。被劊歿於軍中。三年。叙功。贈半個前程世職。

布達理。滿洲正紅旗人。崇德三年。以擺牙喇甲喇章京。從貝勒岳託。征明。擊敵兵於邊外。我牛录章京齊明阿。所部兵名撒爾沙者墜馬。布達理衝入敵陣。援出之。六年。從鄭親王濟爾哈朗。征明。圍錦州。明軍門洪承疇。率援兵來犯我右翼兵。布達理率本甲喇兵助擊。却之。明松山兵來奪我紅衣礮。復擊。却之。順治元年。從睿王多

爾袞入山海關破流寇。十一月隨豫親王多鐸南征。師抵潼關。屢敗賊衆。二年至江南。敗敵三次。又隨趙布泰。沙爾虎達。敗偽王總兵於青浦縣。追獲賊船三十艘。三年以功授半個前程世職。是年六月。隨豫親王多鐸征騰機思。偕阿思哈達蘇。率噶布什賢兩敗賊衆。復敗碩羅汗兵。五年隨征南大將軍譚泰。征江西叛鎮金聲桓。偕甲喇章京代達等。敗偽洪總兵於湖口縣。聲桓同其黨偽建武侯王德仁。引馬步兵七萬來薄我營。布達理同甲喇章京道喇往戰。中箭歿於陣。七年議卹。加世職。為拜他喇布勒哈番。吳納哈賴。滿洲正紅旗人。崇德五年。以擺牙喇甲喇章京。從征明。圍錦州。困松山城。敵人夜侵本旗營。汎偕梅勒章京季什哈往援。步戰却敵。八年隨征寧遠。敗敵一次。順治元年四月。從睿王多爾袞入山海關。擊敗流寇馬步兵。追至慶都縣。大殲之。十一月。從豫親王多鐸南征。至潼關。以伏兵擊流寇馬步兵。敗之。又攻破賊第一

營第二營。二年至江南。敵人駐營於江寧府橋。奮擊敗之。是年併叙從前軍功。授牛錄章京世職。六月。隨多羅貝勒博洛征杭州。敵以舟師攻平湖縣。吳納哈賴追擊。獲船二十一隻。偽苗總兵。王總兵。自海寧縣來犯。即同格巴庫擊却其衆。旋以攻江陰縣。中礮而歿。三年。議卹。加贈世職。為三等甲喇章京。

伊明阿。滿洲正紅旗人。崇德三年。以分得撥什庫。隨征明。攻松山城。中傷。歿於城下。同旗有覺

羅蘭泰者。崇德六年。以擺牙喇甲喇章京。征明圍錦州。在松山地方力戰陣亡。又有鄂赫者。順治九年。以擺牙喇甲喇章京。隨固山額真噶達洪出征。在大同渾源州力戰陣亡。卹贈拖沙喇哈番。又有訥勒者。姓鈕祜魯氏。順治十五年。以壯大。從征至雲南。擊偽晉王李定國。等於磨盤山。力戰陣亡。卹贈拖沙喇哈番。世職。又有覺羅吳蘇者。康熙十五年。以三等阿達哈哈番。從征逆藩吳三桂。至廣東陣亡。尋卹贈一拖沙喇哈

番世職

額貝。滿洲正紅旗人。崇德六年。以牛录章京。從大兵征明。圍錦州。同噶喇昂邦勞薩。碩翁科洛。巴圖魯擊敵。直抵柵門。大破之。復同碩翁科洛。巴圖魯。敗松山兵。七年。從征寧遠。偕噶布什賢。章京等。往視塹濠。遇敵兵擊敗之。又追明哨卒。獲三人。斬十五人。獲馬一匹。八年。隨貝勒阿巴泰。征明。攻薊州城。親至濠邊。指麾中礮。歿。贈牛录章京世職。

貴穆臣。滿洲正紅旗人。崇德八年。從安平貝勒杜度等。征明。至山東。梯攻郟城縣。先登。因無繼登之人。遂歿於敵。尋議卹。贈牛录章京世職。以次子尼戡襲。順治七年。九年。三遇

恩詔。加至二等阿達哈哈番。尼戡卒。以其弟佛莫齊襲。

佛莫齊卒。以其長兄阿海襲。康熙十七年。阿海隨征逆藩耿精忠。至江西。偽都督易天錫破建昌。長驅至撫州。阿海隨定南將軍希爾根擊敗之。追至楊梅鋪七里崗等處。又敗偽帥李茂珠。

李復生於鐘鼓山。敗偽都督楊益茂於鍾家嶺。至廣信府。擊賊渠楊彪。及偽總兵萬勝於封禁山洞。屢破偽總兵胡國華。李爾司等。十七年。隨鎮南將軍莽依圖。征逆藩吳三桂。至廣西。敗偽將軍吳世琮於新村之西山。十九年。敗偽將軍范齊韓。詹仰等於柳州之陶屯。二十年。隨征南大將軍賴塔。敗偽將軍何繼祖等於黃草壩。直抵雲南。會同三路官兵。平定逆孽吳世璠。並在事有功。二十五年。議叙。加世職為一等阿達哈。

哈番。

石賴。滿洲正紅旗人。順治元年十一月。以分得撥什庫。從豫親王多鐸南征。平定河南江南。二年。隨貝勒博洛。征浙江。攻嘉興府城。敵兵出戰。同固山額真恩格圖。擊却之。遂以火礮攻城。石賴所部兵。於擊破處先登。有功。再攻崑山縣。中火礮歿。卹贈半個前程。世職同旗。有達魯哈者。順治元年。以閑散官。從征流寇。擊賊帥袁解。及王律等。步兵。累有戰功。二年至江南。攻江陰縣。

中礮陣亡。五年議卹。贈拖沙喇哈番世職。

留哈滿洲正紅旗人。順治元年四月。同噶喇昂
邦順科洛大追勦流賊。至涿州松蘿店地方陣
亡。卹贈牛錄章京世職。同旗有鄂哈者。順治元
年。以四等轄。從睿王多爾袞入山海關。擊流賊。
力戰陣亡。康熙二十年。追贈護軍參領。又有鄂
邁者。順治十六年。以二等護衛。隨安南將軍達
素。征勦福建海賊。在廈門地方力戰陣亡。卹贈
拖沙喇哈番世職。又有三等護衛達爾馬者。亦

於是役陣亡。卹贈拖沙喇哈番世職。

巴揚阿滿洲正紅旗人。順治二年。以壯大。從征
流賊於陝西延安府。追至湖廣承天府等處。連
擊敗之。又隨和碩額駙固山額真杜雷。於江西
九江小池口。奪獲賊船。追及偽劉侯兵。連敗之。
三年。從征四川流賊。擊賊渠八大王張獻忠。駐
兵山谷。力戰陣亡。卹贈半個前程世職。

莫羅洪滿洲正紅旗人。初任副理事官。順治九
年。兩遇。

恩詔授拜他喇布勒哈番世職十三年以監修

乾清宮辦事有功加一拖沙喇哈番十四年隨定遠大將軍世子濟度征福建海賊偕夸蘭大鄂泰巴圖魯率舟師由泉州至教斗地方遇偽總兵黃常偽護明侯林四偽提督吳正引兵阻路奮擊敗之過教斗口賊復以舟師二百餘艘接戰亦擊敗之再攻廈門歿於陣康熙二年加贈世職為二等阿達哈哈番

尚吉圖滿洲正紅旗人姓納蘭氏世居尼馬察地方順治十五年以擺牙喇從征雲南隨署護軍統領胡葉擊偽侯李成蛟於涼水井地方敗之又擊偽晉王李定國於盧噶地方敗其兵一萬七千餘又隨護軍參領查令阿以步戰敗其兵一次十八年從征山東土寇有賊夜侵我營尚吉圖戰歿康熙三年贈拖沙喇哈番世職以其弟沙欣襲職康熙十四年沙欣從前鋒統領穆占征逆藩吳三桂由陝西進四川取朝天關敗偽總兵石存禮破三十餘營擊偽將軍王屏

藩鄭蛟麟等於盤龍山水陸併戰並大破之師抵娘娘廟敗偽將軍吳之茂復擊敗偽將軍王屏藩等於槐樹驛小梅嶺龍潭驛等處俱在行間有功二十五年叙功加世職為拜他喇布勒哈番又一拖沙喇哈番

布爾哈滿洲正紅旗人順治十五年以委署護軍校從征偽桂王至貴州破偽侯李成蛟於涼水井又敗偽晉王李定國於盧噶地方並在事有功康熙十三年隨征逆藩吳三桂由陝西進四川隨前鋒統領穆占敗偽總兵石存禮於朝天關破三十餘營師抵娘娘廟布爾哈以殿後拒賊歿於陣十七年卹贈拖沙喇哈番世職同旗有席禮虎者康熙十四年以七品筆帖式從征逆藩吳三桂至陝西擊偽將軍王屏藩鄭蛟麟吳之茂等於蟠龍山席禮虎奮勇擊賊歿於陣十六年卹贈拖沙喇哈番世職又有阿蘭者任牛錄章京遇

恩詔授拜他喇布勒哈番順治九年從征流賊至延安

府。隨燾章京噶達渾擊敗之。後從征貴州。屢有戰功。康熙十四年。從征逆藩吳三桂。由陝西進四川。敗賊於朝天關。尋以迎接糧餉。至槐樹驛地方。遇賊力戰陣亡。加贈世職。為二等阿達哈哈番。

噶來滿洲正紅旗人。順治十六年。隨安南將軍達素。征福建海賊。取臺灣。爭躍賊船。奮勇戰歿。贈拖沙喇哈番。世職。子薩來襲。薩來初任右衛駐防佐領。康熙三十四年。隨撫遠大將軍伯費揚古。征厄魯特。噶爾丹於昭莫多地方。敗賊有功。加世職。為拜他喇布勒哈番。

薩音達理。滿洲正紅旗人。姓額陀氏。世居長白山。順治十七年。以牛录章京。從征鄂羅斯。賊以舟師據烏喇崖。薩音達理偕牛录章京馬喇往擊。被圍戰歿。康熙五年。贈拖沙喇哈番。世職。子席錦泰襲。康熙三十五年。席錦泰從撫遠大將軍伯費揚古。由西路征厄魯特。噶爾丹。敗賊有功。三十六年。加世職。為拜他喇布勒哈番。

海色滿洲正紅旗人。姓何舍里氏。順治十八年。以三等侍衛。隨安南將軍達素。征福建海賊。攻廈門。歿於陣。康熙二年。贈拖沙喇哈番世職。同旗有王府長史鄂善者。亦於是役陣亡。卹贈拜拖喇布勒哈番世職。又有沙賽者。康熙三年。以員外郎。隨定西將軍圖海等。征湖廣流賊。攻茅麓山。奮勇進戰。敗賊兩次。是年。又從征福建海寇。攻廈門。陣亡。四年。贈拖沙喇哈番世職。

莫洛洪。滿洲正紅旗人。姓納蘭氏。世居尼馬察

地方。順治十八年。以護軍校。從征福建海賊。攻廈門。歿於陣。康熙二年。贈拖沙喇哈番世職。以其子鈕鈕襲。康熙十四年。從征逆藩耿精忠。至江西。有偽總兵官唐配勝等。以兵四千餘。屯老庄地方。拒敵。擊敗之。十九年。至廣西。隨都統勒貝等。敗逆孽吳世璠。偽將軍范齊韓。詹仰。於柳州陶屯地方。二十年正月。隨征南大將軍賴塔。擊偽將軍何繼祖。王弘勳等。於石門坎。黃草壩。俱克之。師抵雲南。平定逆孽。在事有功。又隨都

統希佛。追勦偽將軍馬寶。巴養元。至烏木山破之。二十五年叙功。加世職為拜他喇布勒哈番。又一拖沙喇哈番。

海都。滿洲正紅旗人。姓何舍里氏。世居葉赫地方。康熙十四年。以驍騎校隨定南將軍希爾根。征逆藩耿精忠。至江西。擊賊帥邵連。登於建昌府。長興破之。旋擊賊於新口。泚堰地方。力戰陣亡。二十一年。卹贈拖沙喇哈番。世職同旗。有肯特者。亦於是役。以七品官從征。在饒州府力戰陣亡。

覺羅代袞。滿洲正紅旗人。

景祖皇帝第六弟之三世孫也。順治十六年。以擺牙喇甲喇章京隨安南將軍達素。征福建海賊。攻廈門。賊渠鄭成功。以舟師六百餘。由成普澳來犯。代袞奮擊敗之。康熙十七年。隨征逆藩吳三桂。至湖廣永興縣。偽帥胡國柱等。引賊三萬餘來攻。代袞力戰歿於陣。二十五年。卹贈拖沙喇哈番。世職。

勒畢滿洲正紅旗人。順治十七年。海賊鄭成功犯江南。勒畢以佐領隨安南將軍明安達理往援。有偽都督楊文英率舟師百餘隻自舊縣來犯。奮擊却之。康熙十七年。從征逆藩吳三桂至湖廣。擊賊帥杜輝。巴養元等於洞庭湖。柳林嘴。力戰陣亡。二十五年。卹贈拖沙喇哈番世職。

綏哈滿洲正紅旗人。康熙十七年。以三等護衛從征逆藩吳三桂。至湖廣岳州府。有偽將軍杜輝。巴養元。江義等率舟師二萬餘於洞庭湖。柳林嘴來犯。綏哈隨討逆將軍鄂內。連擊敗之。旋進取湘陰縣。於九馬嘴地方擊賊陣亡。二十五年。卹贈拖沙喇哈番世職。

阿思虎滿洲正紅旗人。姓尼奇里氏。原任副都御史。緣事降為四品官。康熙十二年。隨順承郡王勒爾錦征逆藩吳三桂。至湖廣永興縣沿山嶺。遇偽將軍馬寶。胡國柱等引兵三萬餘來犯。阿思虎奮勇擊賊。歿於陣。卹贈拖沙喇哈番。同旗有燕太者。以拖沙喇哈番隨貝子章泰征逆。

藩吳三桂在岳州府力戰陣亡。尋議卹。加一拖沙喇哈番。合原世職為拜他喇布勒哈番。又有西里布者。康熙十五年。以護軍校隨寧南靖寇。大將軍順承郡王勒爾錦征逆藩吳三桂。至湖廣。荊州府太平街地方。力戰陣亡。卹贈拖沙喇哈番世職。

吳禮。滿洲正紅旗人。康熙十四年。以護軍校隨信郡王鄂札討察哈爾布爾尼。至大魯地方。屢敗其衆。斬殺甚多。以功授拖沙喇哈番世職。十七年。從討逆將軍鄂內。征逆藩吳三桂。至湖廣。破偽將軍杜輝等舟師於洞庭湖。進攻湘陰縣。力戰陣亡。尋議卹。加贈世職為拜他喇布勒哈番。

伊藍泰。滿洲正紅旗人。康熙十三年。從征逆藩吳三桂。由陝西進四川。隨前鋒統領穆占擊賊於野狐嶺。敗之。又敗偽葉總兵於陽平關。又敗偽總兵官石存禮於朝天關。拔三十餘營。俱在行間有功。偽將軍王屏藩。鄭蛟麟。吳之茂等引

兵四萬餘。自蟠龍山分路來犯。伊藍泰隨大兵進戰。俱敗之。又敗賊於娘娘廟。張飛廟。槐樹驛。小梅嶺。龍潭驛等處。並在事有功。進至秦州。與賊戰。歿於陣。十六年。卹贈拜他喇布勒哈番。又一拖沙喇哈番。以其子席爾門襲。康熙二十年。席爾門隨征南大將軍都統賴塔。征逆孽吳世璠。由廣西進雲南。敗賊偽將軍何繼祖。王弘勳等。於石門坎。黃草壩等處。直抵雲南。會同三路大兵。平定逆孽。又隨都統希佛等。追擊偽將軍馬寶。巴養元等。於烏木山。大殲之。二十五年。叙功。加世職。為二等阿達哈哈番。

碩僧額。滿洲正紅旗人。姓納蘭氏。世居尼馬察地方。康熙十三年。以護軍校。從寧南靖寇。大將軍順承郡王勒爾錦。征逆藩吳三桂。至湖廣。隨護軍統領額司泰。擊賊於彝陵地方。生擒數人。被劄三處。得功牌十二。二十九年。隨撫遠大將軍裕親王福全。征厄魯特噶爾丹。於烏蘭布通地方。力戰陣亡。卹贈拖沙喇哈番。世職。同旗有

阿立馬者康熙二十九年以參領隨撫遠大將軍裕親王福全征厄魯特噶爾丹於烏蘭布通地方擊賊被劄尋以劄發卒於軍三十三年卹贈拖沙喇哈番又有胡虎者亦於是役被劄卒於軍卹贈拖沙喇哈番又有護軍校薩弼哈者亦於是役力戰陣亡

江都滿洲正紅旗人康熙十三年以驍騎校隨征逆藩耿精忠至江西賊帥黃浩率舟師自鄱陽湖官塘地方分三路來犯江都隨大兵往擊敗之距康山三十里遇賊千餘亦擊敗之復敗賊於饒州等處十四年七月隨侍郎舒恕擊賊於宜黃縣之東山敗其衆四千餘十五年隨安親王岳樂征逆藩吳三桂擊偽將軍夏國相李良棟等於袁州府萍鄉縣東來龍山破其營大敗之進至湖廣醴陵縣擊賊陣亡卹贈拖沙喇哈番世職同旗有德爾根者康熙十三年隨征逆藩耿精忠至浙江敗偽總兵劉秉仁馬步賊於半山嶺十四年隨都統喇哈達敗賊於石塘

尋以擊以擊偽騎都尉連登雲力戰歿於陣二十五年卹贈拖沙喇哈番世職

胡圖滿洲正紅旗人康熙十三年以佐領授參領隨振武將軍佛尼勒征逆藩吳三桂由陝西進兵至盤龍山朝天關庸寧鋪等處地方連擊賊兵敗之十五年遇偽將軍吳之茂領兵萬餘於秦州北山分立二營胡圖奮擊直入賊營中火礮陣亡卹贈拖沙喇哈番世職同旗有監察御史委署參領聶爾庫者亦於是役在羅門鎮

地方力戰陣亡卹贈拖沙喇哈番世職

安柱虎滿洲正紅旗人康熙十三年以三等阿達哈哈番隨征逆藩吳三桂由陝西進四川至朝天關遇偽總兵石存禮等結三十餘營橫截隘口安柱虎隨前鋒統領穆占奮擊敗之又迎糧餉至槐樹驛地方有偽將軍王屏藩吳之茂等截我運道安柱虎力戰遂歿於陣同旗有驍騎校覺渾柱護軍校隨遜者並於是役屢立戰功十四年至秦州遇賊奮擊陣亡並卹贈拜他

喇布勒哈番世職

布善滿洲正紅旗人。康熙三年。以佐領銜從定西將軍圖海等勦湖廣流賊。我師將駐營挖濠。茅麓山賊首李來亨引賊五千。八路來犯。布善隨將軍進擊敗之。賊復以三千來犯。復擊敗之。十四年。隨征逆藩吳三桂至陝西。八月。隨振武將軍佛尼勒敗賊衆於滴水崖平嶺等處。又敗偽彭總兵李參將於仰天池山巔。進至益門鎮。復擊敗賊衆。十五年。隨撫遠大將軍圖海擊叛鎮王輔臣子王繼正等於平涼府城北。奪護山墩。進征四川。偽總兵石存禮。何邦俊等引賊兵七千。並探探兵五百。出棧道。據益門鎮。西山連結七營。復隨大兵往攻。大破之。身被重創。旋卒於軍。二十六年。贈拜他喇布勒哈番世職。

索鼎滿洲正紅旗人。康熙十四年。以八品官隨征叛鎮王輔臣。至陝西益門鎮地方。遇偽將軍王屏藩引兵二萬餘來犯。奮擊敗之。賊復聚衆來戰。遂歿於陣。卹贈拖沙喇哈番。同旗有阿巴

都者康熙十四年以護軍校從征陝西叛鎮王
輔臣偽總兵官王繼正等率馬步兵萬餘自平
涼府來犯阿巴都力戰歿於陣二十五年卹贈
拖沙喇哈番又有拖爾弼者姓格濟勒氏世居
綏分地方初以馬甲駐防西安隨征逆藩吳三
桂有功擢西安佐領隨大兵進征四川戰歿於
陣贈拖沙喇哈番世職

卦錫哈滿洲正紅旗人姓納蘭氏世居哈達地
方康熙十七年以七品官隨討逆將軍鄂內征
逆藩吳三桂至湖廣擊偽將軍杜輝巴養元江
義等於洞庭湖柳林嘴君山等處屢破其舟師
又敗杜輝等於陸石口二十年隨征南大將軍
賴塔征逆孽吳世璠平定雲南又隨都統希佛
等追偽將軍馬寶巴養元至烏木山破之賊復
集衆據山巔拒戰卦錫哈往擊歿於陣二十五
年卹贈拖沙喇哈番世職

卓克什庫滿洲正紅旗人康熙十五年以護軍
校隨征逆藩吳三桂擊賊於南陽縣連敗之三

月隨蕩寇將軍貝勒察尼由荊州渡江擊偽將軍吳國貴於太平街被創尋以創發卒贈拖沙喇哈番同旗有索爾和諾者康熙十六年以驍騎校從征逆藩吳三桂至江西吉安府擊偽將軍韓大任陳耀元等於騾子山被創歿於陣二十五年卹贈拖沙喇哈番世職

雅蘭泰滿洲正紅旗人康熙三十五年以護軍校從撫遠大將軍伯費揚古征厄魯特噶爾丹由西路進兵至昭莫多地方擊賊力戰歿於陣

三十七年卹贈拖沙喇哈番世職同旗有前鋒法寶者亦於是役力戰陣亡卹廕七品官以其子伊薩布襲

沙賴滿洲正紅旗人世居薩哈連烏喇地方姓賽密勒氏雍正七年以驍騎參領兼佐領職從靖邊大將軍公傅爾丹征準噶爾賊九年六月於和通胡爾哈諾爾地方與賊遇沙賴奮不顧身力戰歿於陣卹贈拖沙喇哈番世職同旗有護軍校和爾敦及倭什布者亦於是役力戰陣

亡並卹贈拖沙喇哈番

孫保柱滿洲正紅旗人以佐領從靖邊大將軍公傅爾丹征準噶爾賊雍正九年六月在和通胡爾哈諾爾地方奮勇擊賊被傷歿於陣十一年八月奉

旨御祭卹贈拖沙喇哈番世職同旗有護軍校福山世居虎爾哈地方姓吳爾古察氏前鋒校金泰世居老溝地方以地為氏者並於是役力戰陣亡同卹贈拖沙喇哈番世職

寶善滿洲正紅旗人姓費莫氏世居河車木薩出庫地方雍正七年以副護軍參領部署參領從靖邊大將軍公傅爾丹征準噶爾賊九年六月於和通胡爾哈諾爾地方與賊遇寶善奮勇往擊歿於陣卹贈拖沙喇哈番世職同旗有護軍校名全保者由阿爾泰進兵於烏孫珠兒地方力戰陣亡又有護軍校富吉泰及色貝者亦於和通胡爾哈諾爾地方陣亡並卹贈拖沙喇哈番世職





